

Polko Sokome Irisayó Mu Nakayáñoní

Tesalonaika Yendé Unipareko Ñuno Uró

Mande Kembé

Komo suki uni kato sokome ña **Grik** mandewore nakayáñaró, ko eneño owí nekaró, “Pol,” yaró. Uni ñuko **asáñowí uni** Pol nange. (2 *Tesalonaika* 1:1 weyo qembe.) Itaka iño-iño uni kumimbo ñande ye iñoyoteñgo, ko enendo kumima naru 50AD quno ñuno Akaia mirako Korin yendémo ñuno nakayáñoro riní Tesalonaika yendémo ñuno uró. (Asa “50AD” murí muko ñandiro, ko Yesu nimí pisiyaró, yate kumima naru 50 ñunde rotaró. Nore kumima naru 2,000 ñunde rotoro yate itaka yoteto.)

Polko naru kapusa ñunoko Siria mira koro yendé ka, owé Antiok Siria, ñu rotoro mira enesó-enesówore khete uyaro **miti mande** yesowoyaró. Asa ko naru irisayómo ñuno, 48AD quno ñuno peka, enendo Esia mirawore kho tero uyareyate Mediterenian windi karóñoro Masedonia mirawore uyaro Tesalonaika yendémo ñuno kho tero **miti mande** yesowo yimitoyaró. (*Asá yerewí Uni* 17:1 weyo qembe.) Ñunde tero Masedonia unipare qambu qundo iñondutu tañgurí, quko Juda uni kumimbo sañgirí tero kiro mande parámi tañgurí. Yiqo, Pol suwono mondó ta yendé rotoro toñeró. (*Asá yerewí Uni* 17:10 weyo qembe.) Toñero Beria yendémo ñuno uyarero kho tero eneño kho kopo Timoti ñuno rotoro, yate mira tapésina, Akaia mirako Atens yendémo ñuno uyareró. Imemonggo Polko Atens rotoro toñero khe tukuni nange howero Korin yendémo ñuno yora. Ñuno yoní Timotiko eneno mahero Tesalonaika uniparetoro piña mande ka mironí 1 *Tesalonaika* sokome ñu nakayáñoro riní ñuno uró. Tukú mande meyowo ka ñande iñaró, peka, ko iñondutu unipare kumi Yesu pitu ko maheweya ñuro iño-iño piyimi tañgurí. Ñunde ñuroko sokome ña, sokome irisayó ñundiro, nakayáñoro riní Tesalonaika ñuno uró.

Tesalonaika yendé ñuko yendé parámi ka, Masedonia mira koro yendé korete qu. Ñuko windi tapémo yora, ko khe parámi ka **Rom** nongo mahero yendé ñu kewerowore uro Esia mira uyaró. Komo suki Grik unindo yendé ñu towañgurí,

quko imemongo **Rom** unindo mahero ranḡurí. Pol koro naruko ḡuno Juda unipare qambu qundo ḡuno yoranḡurí.

1 ¹Nore Pol, Sailas, Timoti, norendo sokome ḡa nakayaḡatowó. Ḥunde tato ye Anutu koro huru-huru^a Tesalonaika yendémo yotengo, ye Anutu Awananimboya Uni Parámi Yesu Kristo^b koya womoyotengo, yeno uyarete.

²Anutu Awananimboya Uni Parámi Yesu Kristo ḡuya samaka-samaka tuwó re yunoní ye newonde imemo yurí qembe.

Polko iḡondutuye ḡuro Anutu yunḡunaḡaró

³Uni topo, norendo naru rokóḡoro murí meté howero yeḡo Anutu yunḡunaḡoyoteto. Dokoro, iḡondutuye muko parámi horé tete, ko ye soso newonde meté epe ino-ino parámi teyotengo. ⁴Norendo Anutu koro huru-huruko ḡuno yeḡo owéye hokoyoteto. Dokoro ye quhurí parámi koroworo kondé kaḡero kondé Anutu iḡondutuwoyotengo.

⁵Ḥunde tiqo, nore ḡande qene iḡoyoteto, ko Anutuko kho hamó tero eneḡo unipareyó wiri yereyote naruyómo^c owero quro ye rokó yereró. Ḥu murí ḡuro quhurí ḡu korowoyotengo. ⁶Anutuko murí roneneḡowí mu howeyote. Ḥunde ḡuroko enendo uni o piyimi ye yunoyotengo qu topé piyimi yunoro ⁷ye quhurí ḡunde qu korowoyotengo quya noreya yoriní imaḡewato. Ḥuko naru kano tunoḡeweya, asa Uni Parámi Yesu koya eneḡo sambo simó^d kondé ḡuya sambo koḡo tunomo tunoḡero ⁸te suru qembe tunoḡewaḡo. Ko uni soso Anutu kama iḡoyotengo quya uni soso Uni Paráminani Yesu ḡuro miti mande^e ḡu kama howeyotengo quya rambaruru yereweya. ⁹Uni ḡundo ronda-ronda piyimi horé rero piyo tero naru suki-suki Uni Parámimboya eneḡo wimbímboro sine parámiyómboya sewemo yowaḡo. ¹⁰Asa ene maheweya quno ḡuno eneḡo unipare meté horé^f soso owí hokowaḡo, ko uni soso mandenani iḡondutuwoyotengo qundo qenero iḡondata parámi tewaḡo. Ye ḡuya ḡunde tewaḡo, dokoro, ye mandene iḡoro iḡondutuwoyaḡurí.

^a **1:1** “Anutu koro huru-huru” ḡuko unipareto Yesu iḡondutuwooro huruwoyotengo qu.

^b **1:1** “Yesu Kristo” - komo suki *ye-ye unindo* Anutuko uni ka rokóḡoní mahero wiri yerete uni parámi horé tunoḡeweya qu karo yaḡurí. Juda unipareto uni maheweya ḡu, “Kristo,” ma, “*Mesaiya*,” ye nekaḡurí. Asa Yesu mahiní eneḡo unipareyó, “Kristo Yesu,” ma, “Yesu Kristo,” naḡe ye nekaḡurí. ^c **1:5** “Anutuko unipareyó wiri yereyote naruyómo” ḡuno iḡondutu unipareko hamó Anutu kusunḡoyómo yowaḡo. ^d **1:7** “*sambo simó*” ḡuko komo suki-suki Anutuko unipare kama yoriní tunoḡi sambo simó yondowaró. Ko itaka eneḡo sunará teyotengo. ^e **1:8** “*miti mande*” ḡuko Anutuko *Kristo* asáḡoní khumoro quhurínanimboro kimo tiní Anutu koya newonde kanata tewero ḡuro mande meté mu naḡe. ^f **1:10** “*unipare meté horé*” ḡuko oteteye soso muko meté naḡe kini. Kini, owé ḡu “unipare meté horé” ḡuro murí muko ḡandiro, “Anutu koro unipare” naḡe.

¹¹ Ɔunde ɲuro iɲoro naru rokóɲoro yeɲo Anutuko hariri te inoyoteto. Hariri ɲuko ɲandiro, meté Anutunanimbo oteteye qenero ɲande iɲoweya, no meté neko yerenowó, yero iɲoweya. Ko enendo yeɲo o meté mu tewero quro iɲo-iɲoye ɲu soso riní kondéreweya, ko enendo ye iɲondutuye howero otete meté mu teyotenggo ɲu soso riní kondéreweya. ¹² Ɔunde tero Anutunanimboya Uni Parámi Yesu Kristo[§] koya samaka-samaka tuwó^h yunori unindo oteteye qenero Uni Paráminani Yesu koro owí hokowaɲgo. Ko yeɲo owéye ɲuya hokowaɲgo, dokoro ye Yesu koya womangurí.

Mande wenda-wenda uni ka hamó tunoqeweya

2 ¹Uni topo, imemoɲgo Uni Paráminani Yesu Kristoⁱ ɲuko pitu ko mahiní nore eneya huruwowato. Asa ɲuro kusumbo ri. ²Naru kano uni kato quko oka qeneweyape ma mande ka iɲoweyape ma sokome ka qenero norendo nakayáɲatowó ye iɲoweya, peka. Ko piɲa mande ɲunde qu ɲande yeweya, Uni Parámimboru naruyó ɲu komo tunoqaró. Piɲa mande ɲuro waka ta ma iɲondataqewero, ko newonde surumí ma tewero. ³Uni kato ɲundiro kaná yereweya koro. Dokoro ɲu naru ɲuko kina kama tunoqeweya. Kini, koretero uni qambu qundo mande wenda-wenda tero Anutu huwóɲowaɲgo. Huwóɲoyuri uni kanata kato hutuɲo mande hamó wendaqeyote ɲuko tunomo tunoqeweya, ɲu uni ɲuko hamó piyo teweya. ⁴Enendo eneɲo owí hokoro oka unipareto qenero, anutu, ye nekoyotenggope ma potorku te inoyotenggo, ɲu soso yoriní umbuwaɲgo. Ɔunde tero enendo Anutu koro Ya Surumí^j oro kunditero, “Neneɲombo Anutu,” ɲunde yeweya.

⁵Komo no yeya yotoro ɲuro yimiranowó. Yembeka iɲo kape taɲgurí? ⁶Ko itaka ye ɲande iɲotenggo, oka kato uni piyimi ɲu kusiyoyote, quko imemoɲgo, eneɲo naruyómo ɲuno, orosoyiní tunomo tunoqeweya. ⁷Dokoro itakako hutuɲo mande wendaqewero murí ɲuko mondó ta khoyó teyote. Quko naru kano uni piyimi ɲu kusiyote ɲundo roto toɲeweya. ⁸Ɔu naruko ɲuno hutuɲo mande

[§] 1:12 “Yesu Kristo” - komo suki *ye-ye unindo* Anutuko uni ka rokóɲoní mahero wiri yerete uni parámi horé tunoqeweya qu karo yaɲgurí. Juda unipareto uni maheweya ɲu, “Kristo,” ma, “*Mesaiya*,” ye nekaɲgurí. Asa Yesu mahiní eneɲo unipareyó, “Kristo Yesu,” ma, “Yesu Kristo,” nange ye nekaɲgurí. ^h 1:12 “*samaka-samaka tuwó*” ɲuko Anutu eneɲombo nore samaka yereyote. Kimoyó moré kini. ⁱ 2:1 “Yesu Kristo” - komo suki *ye-ye unindo* Anutuko uni ka rokóɲoní mahero wiri yerete uni parámi horé tunoqeweya qu karo yaɲgurí. Juda unipareto uni maheweya ɲu, “Kristo,” ma, “*Mesaiya*,” ye nekaɲgurí. Asa Yesu mahiní eneɲo unipareyó, “Kristo Yesu,” ma, “Yesu Kristo,” nange ye nekaɲgurí. ^j 2:4 “*Ya Surumí*” ɲuko Anutu koro ya qu, ɲunoko Juda unipareto Anutu koya huruwowero quro hu-hariri teyaɲgurí.

wenda-wenda uni ḡundo tunomo tunoqeweya. Tunoqini Uni Parámi Yesu ḡundo mahero sine parámi tero yuqa raḡoro uni ḡu utoro rambaruruweweya. ⁹Uni piyimi ḡu tunomo tunoqeweya quno ḡuno Monimbu koro wimbímo kho tero o wimbí moré kota-kota qambu teweya. ¹⁰Ko o kate-kate piyimi mu ḡunde tero unipare piyo tewango ḡu kaná yereyote. Unipare ḡuko piyo tewango, dokoro mande hamó ḡuro kama iḡoyoteḡo. ḡunde tero Anutuko rambaruru koḡo kama yoreweya. ¹¹ḡu murí ḡuro Anutuko iḡondutuye roworemoní mande kota-kota ḡu iḡondutuwoyango. ¹²ḡunde ti Anutuko uni soso mande hamó kama iḡondutuwo ro murí piyimi ḡuro niḡu-niḡu teyoteḡo ḡu topé piyimi yunoweya.

Anutuko Tesalonaika unipare rokó yereró

¹³Quko uni topo, Uni Parámimbo yeḡo surumí iḡo yunoyote, ko norendo naru rokóḡo yeḡo Anutu yuḡunaḡoyoteto. Dokoro komo suki Anutuko ye rokó yirini Yuqa Surumímbo^k yorini Anutu koro unipare tunoqero mande hamó ḡu iḡoro iḡondutuwoyango. ḡu muríwore rambaruru koḡo yoreweya. ¹⁴ḡunde ḡuro norendo miti mande^l yesowatów ḡuwore ye neko yereró. Neko yirini ye ḡuya Uni Paráminani Yesu Kristo^m koro owé parámi ḡu rewango. ¹⁵Asa ko uni topo, kondé kaḡi. Mande soso maḡgonanimbo rondaḡe yunatówómbe ma sokomeko nakayáḡatowó ḡu howeyuri qembe.

¹⁶Noreḡo Uni Paráminani Yesu Kristo koya Anutu Awanimboya noreḡo hamó iḡoyotiri. Ko samaka-samaka tuwóⁿ nunoro suki-suki newondenani rukisoyoní o meté siyowato ḡuro sopoyoteto. ¹⁷ḡunde ḡuro meté enendo yeḡo newondeye rukisoyoro wimbu yunoní otete meté qambu tero mande meté qambu yewango.

Polko Tesalonaika unipareto ene samakaḡoro hariri tewango ḡuro kira yereró

3 ¹Uni topo, mandene weḡa ḡuko ḡandiro. Komo yendo Uni Parámi ḡuro piḡa mande ḡu iḡoro seré te inaḡurí. Asa ko noreḡo hariri tikata piḡa mande ḡu mira kasina-kasina waka ta uyarini unipare ḡunoko ḡuya seré te inowango. ²Ko hariri tikata

^k 2:13 “Yuqa Surumí ” ḡuko Anutu koro Yuqa naḡe. ^l 2:14 “miti mande ” ḡuko Anutuko Kristo asáḡoní khumoro quhurínanimboro kimo tini Anutu koya newonde kanata tewero ḡuro mande meté mu naḡe. ^m 2:14 “Yesu Kristo ” - komo suki *ye-ye unindo* Anutuko uni ka rokóḡoní mahero wiri yerete uni parámi horé tunoqeweya qu karo yaḡurí. Juda unipareto uni maheweya ḡu, “Kristo,” ma, “*Mesaiya* ,” ye nekaḡurí. Asa Yesu mahini eneḡo unipareyó, “Kristo Yesu,” ma, “Yesu Kristo,” naḡe ye nekaḡurí. ⁿ 2:16 “*samaka-samaka tuwó* ” ḡuko Anutu eneḡombo nore samaka yereyote. Kimoyó moré kini.

Anutu enejombo nore uni piyimi kandeye moŋgo yoreweya. Dokoro uni soso iŋondutu kama teyotenggo. ³Quko Uni Parámimbo o soso yaró ŋu howeweya. Ŋunde ŋuro wimbu ye yunoro Monimbu koro kawaware yereweya. ⁴Nore soso Uni Parámimboya womoyoteto. Ŋunde ŋuro ŋande iŋoyoteto, ko yendo mande kondé yimiratowó ŋu itaka teyotenggo, ko imemoŋgo ŋuya tewanggo. ⁵Uni Parámimbo newondeye towo roneneŋoní Anutu koro murí howero unipare newonde meté yunoyuri, ko Kristo^o koro murí howero kondé kaŋero quhurí korowoyuri.

Uni sosopo khoye meté tewanggo

⁶Uni topo, Uni Paráminani Yesu Kristo^p owímo mande kondé ŋande yimiroto, ko yendo topo kumimbo mande rondaqe yunatowó ŋu rotoro wimbo-wimbo kunditeyotenggo qu ye sorero sewemo yuri. ⁷Ye murínani gene howi qembe. Asa yeya yoratówó quono wimbo-wimbo kama kunditatowó, ⁸o newero qu kinange kandeye moŋgo kama siyatowó. Kini. Noreko kosano suwono mone koro kho qu tero koweyumu tato. Quhurí yunowero koro. ⁹Hamó nore owé parámi moré, ko mepémo te-qonanimboro ye noŋgo kinange siyowato. Quko ŋunde kama tatowó. Kini, noreko ye otete meté qene howewero quoro otete ŋu witú yeretowó. ¹⁰Dokoro nore yeya yoratówó quono ŋunoko, mande kondé ŋande yimiratowó, uni kato kho tewero piyimiŋoyote tiníqo, o qímboro ma ini newero. ¹¹Ŋunde yatowó, dokoro ŋande iŋoteto, uni keweroyemo kato wimbo-wimbo kunditeyotenggo. Eneŋo khoye kama tero uni meyowomboro khe u-uye roworemoyotenggo. ¹²Asa norendo Uni Parámi Yesu Kristo koro owímo mande kondé yero uni ŋu yunoteto, ene mondó ta kunditeya, enejombo khoye teya o qoyemboro te neyuri.

¹³Uni topo, ye otete meté teyowero ŋuro ma piyimiŋowero. ¹⁴Uni kato sokome nakayáŋatowó ŋa kama howeyoweya tiníqo, ye uni ŋu rokóŋo rotoro sewemo yuri qembe. Ŋunde ti oteteyó ŋuro kowi piyo teweya. ¹⁵Quko saŋgírí ma yunowero. Kini, ŋuko toponani, ye iŋoya roŋgaruwoyi qembe.

Polko yuŋguna yereró

¹⁶Naru rokóŋo Uni Parámi enejombo newondeye riníka ime yoní. Uni Parámimbo yeya soso yoní.

^o 3:5 “Kristo” ŋuko Yesu nange, asa Anutuko rokóŋoní mahero wiri yerete uni parámi horé tunoqaró ŋu. ^p 3:6 “Yesu Kristo” - komo suki *ye-ye unindo* Anutuko uni ka rokóŋoní mahero wiri yerete uni parámi horé tunoqeweya qu karo yaŋgurí. Juda unipareto uni maheweya ŋu, “Kristo,” ma, “*Mesáiya*,” ye nekaŋgurí. Asa Yesu mahiní eneŋo unipareyó, “Kristo Yesu,” ma, “Yesu Kristo,” nange ye nekaŋgurí.

¹⁷No Pol nenenjombo yunguna yerewero mande na nakayáhoteno. Iju rokó nuwore sokome soso nakayáhooyoteno nu rokóhoteno. Ijundiro nange kandenembo nakayáhoteno.

¹⁸Uni Paráminani Yesu Kristo^a koro samaka-samaka tuwó^r ye soso koya yoní.

^a **3:18** “Yesu *Kristo* ” - komo suki *ye-ye unindo* Anutuko uni ka rokóhoní mahero wiri yerete uni parámi horé tunoqeweya qu karo yangurí. Juda unipareto uni maheweya nu, “Kristo,” ma, “*Mesaiya* ,” ye nekanurí. Asa Yesu mahini enejo unipareyó, “Kristo Yesu,” ma, “Yesu Kristo,” nange ye nekanurí. ^r **3:18** “*samaka-samaka tuwó* ” nuuko Anutu enejombo nore samaka yereyote. Kimoyó moré kini.